



KOMUNIKADO PA PRENSA

Fecha

10/9/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

KRUSADA MERCURIUSSTRAAT, CERESSTRAAT I URANUSWEG TA HABRI KU KAMBIO DEN SISTEMA DI TRÁFIKO DJADUMINGU AWOR

Willemstad – Servisio pa Obra Públiko ta informá komunidat ku entrante djadumingu 14 di sèptèmber awor pa 12or di anochi, ta bai habri e krusada na Mercuriusstraat - Ceresstraat – Uranusweg. Ta habri e krusada aki ku kambionan importante i konsiderabel den e sistema di trafiko na e sitio.

E krusada menshoná awor lo bira aksesibel, entrante djadumingu, for di tur direkshon. E kambionan ku ta bai drenta na vigor ta:

- Den Cerresstraat tráfiko motorisá lo por move den ámbos direkshon. Cerrestraat lo no ta kaya di un direkshon so mas!
- Den e parti di Uranusweg, entre Mercuriusstraat i Jupiterstraat, tráfiko motorisa por move den ámbos direkshon.
- E parti final di Uranusweg pa yega Mercuriusstraat lo no ta kaya di un direkshon so mas.
- Awor ta bai bira posibel ku tráfiko biniendo di Mercuriusstraat òf Ceresstraat por drenta Uranusweg.
- Awor ta bai bira posibel tambe ku tráfiko biniendo di Mercuriusstraat òf Uranusweg tambe por drenta Ceresstraat.

Servisio pa Obra Públiko a tuma e desishon di kambia e situashon di tráfiko aki despues di a elevá e krusada. E cambio aki ta pa hasi e área rondó di e krusada mas aksesibel.

Servisio pa Obra Públiko lo pone bòrchinan di tráfiko nobo i indikashonnan, den forma di flecha riba kaya, pa aksentuá e cambio di tráfiko. **Servisio pa Obra Públiko ta pidi tur habitante i usuario di e krusada aki pa tene hopi bon cuenta ku e kambionan menshoná!**

Ta gradisí tur habitante pa nan pasenshi, kompreshon i koperashon demonstrá durante ehekushon di e trabounan. Esaki sigur ta na benefisio di tráfiko na Kòrsou.